



"Wankantanhan Anjao kin hiyounhipi" Luke 1.78

VOL. XVII

FOREST CITY, SO. DAK., JULY, 1901.

NO T

# ANPAO - KIN:

Rev. E. Ashley. Rev. W. J. dieveland, & UniTORS

Anpao wotania wayapi kiu wi iyohina. Wiyawapi ampetu tokaheya eca wowapi tokun kin ogna rewicakiciyapi ece.

Wi akenom (one year) on kazpapi yamni kajujupi kta.

Wi xape kin kaxpapi wanji sam okise. Icupi xni itokab kdajujupi kta.

Wowapi askabyapi maxaxana wanji qaix nonpa owapi kin. mazaska cekiya. Anpao kry opetom okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyakiyapi qaix ed taku oyakapi kta cinpi na hiyukiyapi ca, wowapi ojuha akand deced owapi kta.

> REV. E. ASHLEY. Cheyenne Agency, S. D

### Vawasteya Cojoyatapi Wo api Waz

Anpao kin icikoyaguayanpi qa wicoran waxte econ iyounpaxtakapi kta wookihi yuha. Oko-lakiciye-wakan opapi tika abebeya tipi kin, hena iyotam tackiye waxte heca kta. Bixop waun kin eciyatanhan, taku ecamon onxpaxpa! oyakapı qa taka biliotania kız wacia kin hena owasin, qa Tipi yakan iyaza omawani woyakapi kin bena. qa nakun Okodakiciye-zakan kin wotanin tawa toktokeca ed kagapi kta. Gyate unkitawapi kin owasin Anpao kin leupi qa saum wicaxa tokeca wicaqupi nin ecanmi. W. H. HARE. Yewicazipi Bishop

> Sioux Falls, S. Dakota. May, 1091.

The NIOBRARA CONVOCA-TION is hereby called to meet at 9 A. M., on Wednesday, September 25th, on the Pine Ridge Reserve, on Wounded knee Creek, near the Chapel of the Messiah.

The date is chosen in order that the Rev. Dr. Lloyd and other possible visitors from the East may spend Sanday, September 22nd in Chicago, Omaha, or other city, visit the Niobrara Convocation and leave there in time to reach Denver or some other western city for Sunday, September 2.1th, and San Francisco in time for the opening of the General Convention.

William H. Hare Missionary Bishop. Attest: Wm. Holmes,

Con. Secretary

ABDEZA PO. Sioux Falls, S. D. May, 1901.

Tokata anpetu iyanıni ga Sept. 25th, 1901, Pine Ridge Agency (Oglala oyanke ekta) cankpeppi wakpamni en Messiah Tipi wakan kin ikiyena hen hinhanna eciyatanhan wihiyayena najcinwanka ape ehan Niobrara Convocation mniciyapi kta e de on wicakicopi.

Wiyawapi de wakahnige cin ke kaken on becamon Rev. Dr. Lloyd qa nakun toktokeca etanhan wiyohinyanpatanhan upi kte cin hena anpeta wakan Sept. 22, he en Chicago quis Omaha en unpi kte qa hetanhan Niobrara Convocation ekta kipi kte ga iyoopta iyayapi qa wiyolipeyata Denver qu otonwe toktokeca ekta Ampetu wakan Sept. 29, icumhan unpi da hecen San Francisco ekta General Convocation tokaheva yulidokapi kte cin iyehan ihunnipi kte.

William H. Hare, Missionary Bishop Attest: William Holmes,

Secretary.

Bishop unkitawapi kin, wowapi ihukuya kagapi kin, he-lecala Wosna kagapi wicaqu, nahan Anpao el unkagapi.

Sioux Falls, S. D., June 14, 1901 Niobrara Deanery el Wosna kagapi kin:

Niyepi etanhan tona owakihi kin cicipi wowaglake cin ohakab, tokata Convocation econpi kte cin el, taku kin lena iwoglakapi kta e wakaliniga.

1. Duty of the Laity to the Church.

Okolakiciye Wakan etkiya oyate kin tokel econpi kte cin—

A. In the support of local services.

Tiyata wacekiyapi kin okiyapi kte cin on. B. In building and repair of

churches. Tipi wakan kagapi na apiya-

pi kin on. C. In contributions to Mis-

sions, Diocesan and General. Bishop tobašpe kin el na owancaya Yewicasipi kin wo-

mnaye kin on. D. In societies of men and women.

Wica na Winyan omniciye el. \*Tokaheya caşeya'in kta. Ekake woglakin kta.

2. The Christian's attitude towards the old life.

Tani wicolan kin on Lakota Christian kin tokel opiiçiyin kta.

wards Ungodliness in those who represent the Government among the Indians.

Tunkansilayapi etanhan, Maka itancampi Lakota egna unpi na Wakan cekiyapi opapi šni on Christian kin tokel opiigiyin kta. 4. Indiaus and Disease.

Lakota oyate na Wicowayazan (Wicokuja).

a. Personal Habits.

Tancan kin on igluhapi kta b. Care of Sick.

Wayazankapi tokel wica kuwapi kta.

e. Care of the Home.

Tiwahe tokel awanyakapi kta.

5. Indians and Allotments. Lakota na maka icupi kin.

6. What Industries the Indians should adopt as useful to Self-Support.

Lakota sanpa iyoptapi kta e Wobliheca wicokan saum icupi kta hena taku ke.

Tokeša taku šakpe kin lena tokel owecinhan iwoglakapi kte cinhan Convocation el Wicasa wakan iyukcanpi kta.

Lena cajevatapi eca Winyan kin hena hel yankapi na nakonpi kin he waste. Iye iyatayela mniciyapi kin el taku kin lena iwakiciglakapi kta.

1. Christian winyan kin tokel tiwahe awanglakin kta.

The Christian Woman as a Housekeeper.

2. Christian winyan na cinca kin.

The Christian Woman and her Children.

3. Christian winyan kin Okolakiciye el tokel opiiçiyin kta.

The Christian Woman in the Church.

> W. H. Hare Bishop

"Tokaheya cafeyatin Ista na ehake wo rlaken kta eyapi kin, he taku iwo glakapi ke a iyokila, tuwa wan econsipi kin he tokakeya woglakin kta, na hehan tuwke ceyas he on taku eyin kla, nahan tuwa econsipi kin he chake wooglakin kla, ke kupi.

Wounded Knee, S. D.

Oglala ekta Niobrara Deanery Convocation econpi kta on woyakapi wan.

Anpao kin:

Oglata Convocation econ-3. The Christian's attitude to- pi kta on Bishop Hare kalinige

çon he lecala Ateyapi kel yanke cin he kici woglag unsipi na Christian Unity owancaya omniciye etanhan unkahnigapi na heon Rev. W. J. Cleveland kici Ateyapi kin Mr. Brennan wonnglakapi na Convocation kta ca on wicohan tona iwounglakapi kin owasin iyokipi hea ikpazo, na unkiš eya iyounkipipi. Eya woyute koya. Ho eya tona Convocation ekta yannyi kte con iyuskinyan yaunpi kta. Unkis eya iyuskinyan unqonpi lakas nayahonpi wacin kin on onahonciyapi. Moake le on tokata iyapi wanji epiu kta. Tona le wanlakapi owasin nape ciyuzape mitakola-Joseph Black Bear. pi.

Miniwanea koakatanhan oyate wanji Turk ewicakiyapi kin inš eya kiktapi yunkan mazanahtagyapi (typewriter), na taku wastoste na wowinlagyepica lecala iyoyapi nains kagapi kin beca etan opeiçitompi na tokel unpi kta onspeiciciyapi kin on tokša maka oyate tankinkinyan enman kin ob owanjila tanyan oicihipi kta iyececa tanin yankan ungnakanla ataya itancan tawapi kin he iyowicakipi sni. Iye tamakocc kin ekta taku hececa iyuha anaptia kta cin. Owekinnahans taovate takuku hececa onspepi yunkan hekta tokel iye tawiyukean kin, na išnala tokelkel iyokipi kin hecela kein ogna tinsa wicayuha gon he iyecel tokata tinsa wicayuha okihi kte sni kokipa na hecor. Mazanahtagyapi nains ogna woglakapi maza takuni yuhapi kte šni wasuwicakiya.

Hokwoju oyate kin wanna wašte ayapi. Canpa Wakpa ekta ececapi qon akisnipi, na Wakpawaste iyohloke el ewicagnakapi gon June 27 wicayuskapi. May wi icunhan Pine Ridge makobašpe ekta wieasa topa hanhanpi tka wana tanyan akisnipi. Rosebud na Hokwoju ektakta lila wicahankan kin ota on tapi tka.

Hekta omaka kin icunhan Ikcewicasa koktopawinge sakowin wahecetu wasican iyecel makoce icupi. Heconpi kin wana ataya koktopawinge wikcemnašak, e sanm iyeya yunkan hetanhan koktopawinge wikcemna wanji citizen ounye kin ihunipi na vote econpi kta okihipi.

# THE DAYBREAK.

Rev. E. ASHLEY.

Rev. W. J. CLEVELAND EDITORS.

THE DAYRREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one, or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY Cheyenne Agency. S. D.

### Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,

Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter

### OKOLAKICIYE WAKAN WIYAWAPI.

July wi kin.

Wotanin-waste Ayapi On Wocekiye.

Anpetu vyohi wicokaya he cin ehan heyapi kta:

Wanikiya waste isto wacantkiya nitawa kdugad, canicipawega akan otkeyahan yaun tka qon, maka akan wicasa un kin owasin Niye ekta etonwanpi qa niwicayapi nunwe. Amen.

Okolakiciye Wakan kin Wiwicawangapi tawa kin oieska pcecela wan.

Wowicala nakun.

### Woniya Wakan An.

Woope izaptan nahan Litany kin el woeye iyanmi kin wanyakapi kta. Woniya Wakan Yanmipi wakan el iciyamni kin-he awicakeya Wakantanka ee, St. Matt. 28:19; Olian. 5:3, 4; 1 Kor. 3:16, 17 hetanhan tanin. Nakun wicaśa (person) na olian iś wowasake ecela śni, he St. John 14: 26; 2 Kor. 13:14 etanhan tanin. Wowapi wakan ataya Woniya Wakan eciyatanhan kagapi, 2 Tim. 3:10; icin "Wicasa wakan ehanni Woniya Wakan tokel iewicakiya" hecel eyapi ece, 2 Inyan 1:21. Pentecost, lehan Whit-Sunday (Anpetu Wakan ska) unkeyapi kin he ehan Woniya Wa kan tokaheya Okolakiciye Wa-

kan el yesipi. Wiconan tawa kin "wiconi wicaqu kin he" St. John 3:5: "iyoyabwicayin kta", St. 14: 26: "wieayuwakan kta", 1 Kor. 6:11; na iyotan wacekiyapi el owicakiyin kta, Roma. 8:26; St. Luke 11:13. Wayuteca wayuwakan towasake kin he ohinni iceunkiyapi kta, hecel towaste el unkicagapi kta, nahan Christ Taniya kin on unkojupila kta. Woniya Wakan kin he iyokisilunyampi kte śni. Ephesos 4:30; na Ateyapi kin na Cinhintku kin ob okiwanjila kin on ohinni ohounlapi na unyatanpi kta iyececa.

### Okolakiciye Wakan kin.

Okolakiciye Wakan kin he Christ tancan kin ee, na tona huhawicaye cin tona Iye wicalapi kin, na wotanin waste on woonspe kin on maka etanhan wicakicopi na toie kin ognayan oholapi kin hena eepi. 1 Kor. 1: 2; Kol. 1:18; 1 Inyan 2:9; Ephesos 2:19-22. Woope 19 wanyakapi kta. Baptisma unqupi eciyatanhan he opennyanpi, hecel Christ huha heuncapi na iye unketanhanpi. Tuktel wakiconza tona Christ wicaqu kin hena ecel econpi kin hel Okolakiciye Wakan um. Wowicake tipi kin heca, 1 Tim. 3:15; na Oinajin wan tuktel wowicala kin ecel, akageśniyan na aoptelyesniyan onspewieakiya kin hee, St. John 14:26; 16:13; nahan wicozani oyanke tuktel wicanagi zaniyan unpi kte cin he. 1 Inyan 3:20, 21. Okolakiciye ounpapi kin he wookiye el un kta na sanpa icagin kta e ohinni wocekiye unkeyapi kta iyececa, na tona Itancan hoyekiyapi kin hena ohinni okiwanjila cantekiciyapi kta e tokel unkokihipi wowaśi econgonpi kta waste, icin St. Paul hecel econunsipi, 2 Tim. 2:22.

Wowicala kin hena el Okolakieiye Wakan kin he Wanjila, Wakan, Owancaya (Catholic) na, Wahosiye eciyatanhan u, eyapi.

#### . Wanjila.

Christ wicasa na Wakantanka ouncage nopin yuha, qeyas Christ wanjila, he iyecel Okolakiciye el taku wakan el un na wicasa, nagi tona opeyapi kin. Christ țe śni itokab Taokolakiciye wanjila un kta lila eckiya; na he ognayan wicasa oyasin awacinpi na kuwa wicasi. Hecel Okolakieiye yuskiskapi kin woahtani, Ephesos 4:3-6. Okolakiciye Wakan kin tookiwanjila kin nonpakiya yuškiškepica: Wahošiye taanpetupi ehantanhan wowicala unyuhapi kin akagapi kin On, nahan aoptelyapi kin on. Okolakiciye wowicake kin he slolunyanpi kta hecinhan, toki un na wowieaka eceli yuha kinhan hee unkablezapi kta. Hecel ompapi kin Christ wanjila, na Atkuku kici wanjila un kin, he iyecel unwanjipila kta, na wowicala kin he okiwanjila yuha unqonpi kta iyececa.

#### Wakan.

Christ Okolakiciye Pa kin he wakan kin, heon Taokolakiciye nakun wakan; Woniya Wakan wanjila on ni na heon tona opapi hee cin wieayuwakan, Wakantanka toope wakan ogna igluha lakas, na tona opapi kin hena oyasin wakanpi kta cin, heon Wakiconzapi wakan, Woonspe wakan, na Wocekiye wakan ogna econwicaśi ece. Ephesos 5:25, 27; Ohan. 20:28. Hecel Israel oyate tani kin iyecel oyate wakan heuncapi, 1 Inyan 2:9; Jer. 2:3; Wotapi wakan on wauntapi, Wowicala wakan unyuhapi, wakan cekiyapi yuha, Wicasa wakan yuha Itancan itokab maumnipi, icin tuwa wowakan yuha sni kinhan Itancan kin wanyakin kte śni. Heb. 12:14.

### Owancaya (Catholic).

Okolakiciye Wakan kin he tukteltu, tohantu, na oyatepi tuwa esa el na ekta owanjila, akiyecel un tka. Christ waonspewicakiye hecel wawicasi qon or:speunkiyapi, St. Mark 16:15. Wicasa iyohila, taku oyate etanhan kaesa, Yamuipi kin cajeyal Baptisma qupi kinhan he Okolakiciye wakan owancaya (Katolik) kin opa na heon etanhan tokata malipiyata Okolakiciye kin el, Christ tawayin kta na oiyotanke itokab pazo kta isteca kte sni e ohinni owotanla ni un kta iyececa. Wayu. 21:2-4. Eya Christian oaletka wanji isnala Katolik unpi keiçiyapi, na Christian ospave heca wicunyawapi qéyas Okolakiciye woyakapi tawa kin eciyatanhan "wowacinye ehanni wicasa wakan wicaqupi" kin he akagapi ca slolunyanpi na heon takuku yusnapi. Woope 19 wanyakapi waste. Okolakiciye ounpapi kin he Wakiconza kin, Wowicala kin, Wicasa wakan hecapi hea, na Woonspe ecetuh yuha kin on Okolakiciye Owancaya (Katolik) un kin heca, na tohan wowicala unkeyapi eca hecel wicaunlapi unkoglakapi ece. Hehaul na heon Okolakiciye wakan etanhan Wicasa wakan kin hena ohinni wicunyuonihanpi kta iyececa, icin Wakantanka Iye Toie oyakapi, wakicənzapi unkicipamnipi, na umagipi awanyakapi kin heon. Heb. 13:17.

### Wahosiye eciyatanhanpi u.

Otokahe tona Wahosiyepi kte ein Wanikiya kin hena wicakahniga nahan onspewicakiya. Kini ohakab na iyepi el taniniçiye çon "wowasake oyasin maqupi, maka na malipiya el. Ate tokel umasi kin iyecel yecisipi," ewicakiya. Nahan kini na wankanl iyaye cin iyoko anpetu wikeemna topa kin, itokab waniyetu yamni onspewicakiye un esa, sanpa "Wakantanka tokiconze kin on taku cajeglata un," na wankan iyaye cin iyohakab anpetu wikeemna he-

hanl Woniya Wakan el wicahi na iyawicahan, na etanhan wanna Okolakiciye wakan kagapi kta akiyecel wowasake icupi. Heon Okolakiciye kin he Wahosiyepi akan ticagapi eyapi, Ephesos 2: 20. Hecel omniciye wanji Wahosiyepi etanhan woyakapi woonspe yuha sni hecinhan Okolakiciye heca ee ecinpica sni. Bishop na Wicasa wakan unkitawapi kin hena Wahośiyepi ikoyakapi na eciyatanhan wakiconzapi, Woonspe, na Woecon unqupi na unkokiyakapi kin he wowicake na wicalapica slolunyanpi.

### Wakanpi Olakolkiciyapi kin.

Wakanpi olakolkiciyapi eyapi kin he wowicala el woeve inapciyunka kin hee. Okolakiciye owancaya kin he wakanpi olakolkiciyapi kin ee. Otokahe ekta "wakanpi" ewicakiyapi kin hena Christian oyasin hena kapi. Hena tona Jesus Christ el wicayuwakanpi, na tonipi na tohanpi kin on wakanpi kta cinpi kin hena eepi. 1 Kor. 1:2; 1 Inyan 1:15, 16. Wakantanka Ateyapi na Cinhintku kin ob wolakota yuhapi, 1 John 3:3; 1 Kor. 1:9; nakun Wakantanka Woniya Wakan kici, 2 Kor. 12:36: Maka akanl wakan unpi kin woyawašte wanjila yuhapi kin on, 1 John 1:7; wacinkiciyuzapi na okiciyapi kin, 1 Kor. 12:26; wocekive na wopila eyapi kin on, Wakantanka Toie nahoupi kin ou, na wacantkiyapi wicohan kin, na iyotan Itancan wotapi wakan tawa kin on olakolkiciyapi ece. Ohan, 2:42, 47; Gal. 6:9, 10. Wakanpi tona Paradise el okilipapi kin is eya Wakanpi Olakolkiciyapi kin le opapi na hena ob wolakota unyuhapi.

## Woahtani

Woalitani eyapi kin he woope kicaksapi ee, 1 John 3:4; na he nonpakiya-otokaheyatanhan woahtani kin, nahan unkiye iyatayela econgonpi kin he woalitani unyuhapi. Otokaheyatanlan woalitani kin yuha untonpi, Psalm 51:5; tka Christ eciyatauhan, Baptisma unqupi kin on etanhan unkiyuskapi, Ohan. 2:38; 22:16. Oyasin woalitani econpi na tuwenni okaptapi sni (Woope 16 kin wanyakapi kta), oyasin tawacin on, St. Matt. 15:19; nais, wicoie on, St. Matt. 12:34-37; mais ohanpi kin on walitanipi ecc. Heon etanhan, Wakantanka etkiya itoheya unyanpi kta e ounkiyapi kta Taniya Wakan kin iceunkiyapi kta, hecel Jesus Christ eciyatanhan, Ephesos 1:7; waunhtanipi kin unkicicajujupi kte cin beon. St. Matt. 6:12; St. Luke 5:18: 26.

### Woahtani kajujupi kin.

itokab waniyetu yamni onspewicakiye un esa, sanpa "Wakantanka tokiconze kin on taku cajeglata un," na wankan iyaye cin iyohakab anpetu wikcemna he-129; unyuhapi kta iyececa, na iyayustag wocekiye, Ohan. 8: 22; na woahtani unkoglakapi kta, 1 John 1:9: na awicakeya wicunkapi e woanagoptan on unkiglutaninpi kta, St. Matt. 3: 8. Wakantanka Iye el woahtani unkoglakapi kta, na anpetu iyohi sanpa na sanpa wowaste el, na Jesus Christ toslolye kin el unkicagapi kta, Wico. Wakan 28:13: 2 Inyan 3:18. Tona Iye wacinyanpi on woahtani oglakapi kin wicakicicajujupi kta e Wicasa wakan tawa kin wowasake wicaqu, St. John 20:23.

Wi ate cin kinipi kta.

Wicaţe cin kinipi kta Wowahokiciye tanila kin isinyan oyakapi, Job 19:25-27; Daniel 12:2; tka Teca kin el ecel yuataninpi, St. John 5:25, 29; 1 Kor. 15: 2 Kor. 5:10. Waniyetu- ohakab wetu, na hehan bloketu; maka ouncage owecinhan ece kin; ištinmapi etanhan kiktapi ece kin on wicakini kta iyacinpi selececa, 1 Thess. 4:13-18.

Wowapi tanni kin el wanjikji tapi kes piya niwicayapi kin on wounkiyakapi. 1 Wicasa 17:17-24; 2 Wicaśa 4:18-37; 13:21. Tka Teca kin, St. Mark 5: 22-43; St. Luke 7:11-16; St. John 11:38-45; Ohan. 9:36-42 el Itancanunyanpi kini kin on, St. John 20:1-8, wicațe cin kinipi kta e yuwicakeya unkokiyakapi. - Owotanla unpi kin tancanpi piya najinwicakiyin ecela kte śni, tka "Iye tancan wakan ouncage el icaliwicayin kta, Philip. 3:21. Wicasa tapi eca tancanpi na nagipi kin wicayukinnkanpi, tka woekicetu kin el, Christ, tuwa wiconțe na wicahapi ohiye cin towasake kin on ake wicaynokiwanjila kta. Wicakini kte cin on ohinni untancanpi kin skaya na wakanyan unkigluhapi kta iyececa, icin hena Woniya Wakan owicati na tona tancan iglusicapi kin hena Wakantanka ihangwicayin kta unkokiyakapi. 1 Kor. 3:16, 17: 6:19.

Wiconi owihanke wanice cin.

Wiconi owihanke wanice cin he wicasa tawa sni, tka Wakantanka isi cola wicaqu, Roma 6:23. Tona nipi kta, na wiconi owihanke wanin mahpiyata ounyanpi kte cin takunui cinpi kte sni, Wayu. 7:16, 17: wokakije na okpaza cola unpi kta, Wayu. 21:4, 23. Ohiuni wookiye na wookihpe, Heb. 4:9; wowitan yuha, 1 Inyan 5:4; Wakantanka ite wanyakapi kta, 1 John 3:2; na wicasa slolyapi kin isanpa wowiyuskin yuhapi kta. 1 Kor. 2:9.

Yamnipi wicalapi kin.

Wowicala woeye tokaheya sa glogan kin hena Yammipi Wakan on woyake, na tuwa nipi kta cinpi kinhan hena wacinyanpi kta. St. Mark 16:16 na St. Matt. 28: 19 iciwanyakapi kta. Wowacinye kin le ognayan Baptisma unqupi, na tohan wakan cekiyapi el "Atevapi kin na Cinhintku kin na Woniya Wakan'' eyapi ca ohinni kiksuyeunkiyapi, nahan iyotan Yamni Taanpetu kin iyehan unkiksuyapi kta iyececa. Yamni Wakan kin el unkitancanpi, unkitaniya kin, na unnagipi kiu waunkiyuhtatapi kta iyececa, 1 Thess. 5:23. Le ognayan Okolakiciye Wakan kin, Wotapi wakan woecon kin el-aguyapi na mini sa yuwakanpi ohakab "Na lehan, O Itaucan niye el elipeunkiçiyapi, unkiyepi, unkitancanpi na umagipi iyecetuya, wakanyan, niyake waunkiciglunshapi'' eye cin on econunsipi, na unkiksuyapi waste. Woeye eliake topa kin Christian wowaste zaptan cajeyata na iyotan Okolakiciye Wakan Owancaye kin on onspeunkiyapi.

Wowapi Wakan Yawapi Wowakiya.

Yewicasipi ohanyanpi kin.

- 1. Wahosiye ohanyanpi kin le St. Luke wowapi inonpa kage, na Theophilius tuwa on Wotanin waste on kage con keye cin le kicaga. Wanikiya toni maka akanl Taniya Wakan on, na Wahosiye wakan iwahokonwicakiye cin heon woyake. Heon etanhan wowapi kin le Woniya Wakan wotanin waste tawa kin cajeyatapi ece.
- 2. Tuktel na watohan kagapi. Tohan wowapi kin le kage cin yatinsya oglake śni, tka takuku cajeyate cin on, tokaś Roma otonweel, St. Paul kici ye con, hel kaga naceca. (Ohan. W. 28) Wicohan waxan iyayustag taku ikceka econpi, tuwa egna un na wanyake iyecel oyake cin on, na Jerusalem otonwe ihangyapi cajeyate śni kin on, heconpi śni itokab wowapi kin le kaga selececa, na A. D. 61 taku ehake woyake cin on owekiniś ohakab iecala A. D. 63 he ehan kage naceca.
- 3. Tokeca kin. Wowapi kin le takuku "tokaheya" kin hena Christian Okolakiciovaka. ye tokaheya kagapi na sam icage cin he oyaka. Wahosiye wapetokeca tokaheya econpi, wowahokonkiye tokaheya, Okolakiciye wakan woecon tokaheya, sicaya wicakuwapi tokaheya, martyr tokaheya, Ikcewicaśa etanhan Christian tokaheya, Europe makoce ekta Christian Okolakiciye tokaheya kin on woyake. Oieska wowapi wan "Codex Sinaiticus" eyapi kin el wowapi kin le "Ohanyanpi" ecela cajeyatapi, na Wahosiye olianyanpi unkeyapi kinhan yatinsya unkeyapi kta, icin St. Peter, na iyotans, St. Paul tohanpi kin on woyaka.
- 4. Taku oyake cin. Wowapi kin le nonpakiya kiyuspapi kinhan, tokaheya kin el St. Peter tohan kin he unkablezapi kta, (W. 1-13:3); na inonpa kin el St. Paul tohan kin, (W. 13:4–W. 28) el tanin kta.

1. (a) St. Peter tolian oyake ein ieunhan Christian okolakiciye tokel icage nahan Samaria el wotanin waste oyakapi kin, na Jerusalem el na Juda el Okolakiciye sutaya eglepi kin, (W.1-8); na (b) sicaya wicakuwapi tokaheya, na Okolakiciye kin Samaria el kagapi, Kornelius na tiwahe Christian wicakagapi kin, (W. 8:11; 18): (c) sicaya wicakuwapi inonpa na Autiyoka el Okolakiciye kagapi kin, (W. 11:19-13:3)

2. St. Paul tohan kin. Tokel Okolakiciye wakan Ikcewicaśa wicakicahipi kin: (a) St. Paul kicopi na tokaheya omani kin, (W. 13:4-15:5); (b) Jerusalem ekta omniciye econpi na Okolakiciye opapi kta on woope kagapi kin, (W. 15); (c) Inonpa omani kin, (W. 15:36-18:22) (d) Iyanuni omani kin, (W. 18:23-21:18); (e) St. Paul Kesarea el kaškapi na ohakab Roma otonwe ekta ye cin, (W. 21:18-28).

5. Lecel oyaka cin on, tokel Juda oyate etanhan omniciye wan inanpe ca ohanketa Okolakiciye Wakan Owancaye un kin yuatanin. Wotanin waste iyanmi owapi kin el Christ etanhan woyawaste kin owancaya tawapi kta oyake iwaunyakapi qon wowapi kin le el glatinza selececa; tka wotanin waste el ovake cin wokcan iyacinyan eya, na wowapi kin le el tokel yuecetupi, yuwicakapi kin ecel oyaka, na hececa e tuwa kesa slolyapi kta on wicohan ikeeka econpi kin iyayustag wicakeya oyake cin on taku tona eve cin oyasin wowicake heca slolunyanpi.

Birch Coolie, Minn. etanhan. Hékta April 10, 1901, he ed ake Winyan Omniciye kin apiçiyapi ga he dena oitanean wicakahnigapi kin dena eepi. Winyan itancan kin Lucy Hebbard; Okihe kin Maggie Whipple; Mazaska awanyake cin Lucy Columbus: Wowapi kage cin Mary Wabashaw; Walipaye awanyake kin Mrs. Jackson qa Mrs. Wapata; Wamnayan kin Lucy Taopi qa Julia Jones. Iho denakeca wiakenonpa kin de ed litaunnipi kta e unyuštanpi, heced tokin wicohan kin de ed tona unyakonpi kin owasin tanyan iyounptapi qa unkayapi qes unkecinpi. Ecin wicohan kin de taku ikceka heca śni, he Wakantanka litaunkimipi wicohan kin de waste tuka hehand okumi tuwe owasinh ohnayan ihduhe kte cin hee tehika naceea, ecin he waste kin on etanhan. Heon etanhan winolica tona de omaka kin de opta unyanpi kte cin' ed unkakiçiciyapi kta, heced winyan omniciye yaunpi kin tona de wandakapi kin on unyeksuyapi qes unkecinpi. Oyate kin de Bishop Whipple tawawicaya qa awanwicayake qa wastewicadake, tukte ohna owotanna vapi kta qa iyoptapi kte

Heon etanhan is din hena on. eya ded oyanke kin he cistima qa untonnapi esta nina ounkiçiyapi, qa kakije qa wanyazanke cin hena on ed eunkicitonwanpi qa onsikiçidapi. Tho hena hecetu, heon etanhan wowapi wakan oelide kin de unkiksuyapi: "Tona tipi wakan kin ed kicanyanpi kin hena tipi wakan etanhan nipi ece, sdonyayapi sni he; qa tona wahna wosnapi kin ekta olianyanpi kin hena wosnapi kin etanhan wotapi ece. Heced nakun Itancan kin woope kaga; tona wotanin waste oyakapi kin hena wotanin waste kin on nipi kta." 1 Kor. 9:13, 14. Mitakuyepi owasin cante on napeciyuzapi, Nitakuyepi wanji miye.

Miss Mary Wabashaw.

Pine Ridge Agency,
Eagle Nest Creek el Gethsemane Chapel etan.

Anpao waste kin:-Mitakola, Ake taku wanji hecetu sni tka Dakota oyate kin lila econpi sa. Oeconna kansu kutepi sa kin en wayekiyapi heca obe ota yuha icagapi, na hena econ waste dakapi na iyokipipi, tka tuktekten taku yekiyapi ohiyapi kin heca on wicoie ota na šikšica ekiciyapi na hankeya sicaya okicihanyanpi yuke. Hena taku wanji tehindapi kes yekiyapi na tohan ohiyapi eca hececa ece. Tka hekta Dakota en token oeconna wicohan wanke ein hehanyan takuna epin ktesm. tka dehan taku iyotan cajendate, kta wacin kin he dee. Tona Christian hecapi kin hena token niunpi kin en taku śica na taku waste kin nopin sdonyapi kte cin hee. Ecin tuwa taku sica wan wanyake na sdonya econ kinhan woalitani içicaga e sdonunyanpi na he wocante sica, woihangye na wotehi hehanyan iyakdeya wanka. Unkan dehan Dakota oyate kin en Oeconna wicoban wanji ohinni wanka. Maka otoiyohi na iyehantu eca tona Okodakiciye Wakan opapi na Wakantanka wacinyan hecapi kin ota oeconna kiu on kakam elipeunyanpi ece. Tuktekten wanjikji nahma wayekiyapi na nalimana oeconna en yapi ece na anpetu wan en wacekiyapi kte ciqon akiktons unyanpi, tka ise oeconna kin he wokamna waste ce eyapi sa na tohanyan unkokihipi iyaunkisapi ece. Iho, wicasa wan taku tawa kin he token wasakayena yaki kte cin lila ilukean ece, na wicasa wan wokahnige sni yada na niye wokalinige nicida, on etanhan tohan sunka wakan nom inyankapi kte cinhan unma tukte duzahan idukcan kin he yeyeciciye kte hein na on wicasa wan taku tawa yaki eca on šika wicaša gon icante šica keš ican hotankakiya ayasa eca inihanyaye ece. Hecen tuwe awicakehan Wakantanka wacinyan

kecin esa tohan sunka wakan wanji lila duzahan yuha na ohinni cajeyatapi kinhan lila duzahan dakas kohanna woahtani kin anatan na kikdega ece; hececa eea hehan wicasa ohinni woahtani econkiya ece, ecin sanpa kikdeli aye ein heon. Tka tuwe sunka wakan duzahan takudan yuhe sni tasunke kin hunke šni lianhiyaya ece dakaš taku itokam yanke cin owasin tanyan abdeza heon woahtani wan wanyake cin aohomni iyaya na ohiumi tanyan ya ece ye do. Iho oeconna kin en wowiyukcan wowicasa sm on wawicayaki kin he sice do. Hecen ito awacin po. Wicohan kin de lila awacanmi tka taku on iwaste kta takuna iyewaye sni. Eya iknuhanna takn wanji ninice hea e ohiyaye cinhan heon pidaniciye kta na icante niwaste kta na icante niwašte kta kecanni eša he hecetu šni. Wicasa wan tawa wowicasa šni on yaki eca nakaha ohakam onsike icantesin içiye ecee he icunhan nis pidaniçiya kecanni tka he woalitani heca e sdonya Iho mitakodapi, ito de unkiyukcanpi kta ye do. Matt. 27: 38.

Samuel B. Rope.

### WOTANIN IKCEKA

May wi icumhan, President McKinley, titakuye na takolaku wanjigji ob, mazacanku ogna tankaya omani. San Francisco. California, hehanyan ihunipi, yunkan ekta Tunkansilayapi tawica kin he lila hein wayazanka. Oiyokipiya omanipi tka icunhan Tunkansilayapi kin tawicu kitin kta se tokecela lipaye cin on woiyokisica tanka yaha. Nahanhein akisni sni ecel tiyata akipi yunkan hehantanhan Tunkansilayapi ti kin ekta tokelokihi pica tanyan kuwapi yesa nahanlicin hecena lila wayazanka.

Le wetu kin, United States onspatanka lila magaju sa kin on wojupi owasin tan tanyan icaga. Kansas makobaspe kin ekta ağuyapi lila ota kta tanin kin on tokantanhan wicasa ota owicakiyapi. Ağayapi kaslapi kinhan wowasi ota kta on wicasa koktopawinge wikcemna nonpa wahecetu tokantanhan owicalotapi cinpi kta keyapi. Tuwe wakamna kta cin kinhan, ekta yin na owiczkiya waste selececa.

Sissetonwan Owakpamni ekta owayawa tanka kin el itanean kin , Mr. McArthur eciyapi kin he ateyapi wicohan kin koya yuha kta yustanpi. Nakun owakprani cikciqala wanjigji ektakta iyecel kagapi.

Mazacanku wanji, Elkhorn Penebecot ewicakiyapi Valley ceiyapi, he tawapi kin Makobaspe ekta ounyangi. He-

ptebleska tacanku owicaqupi kta icewicakiyapi. Oglala tamakoce wiyohiyanpatanhan opapun kin he ogna kapi, yunkan Makizita wakpa hetanhan Nebraska makobaspe iyagieya makoce oglakinyan canku iyatapi zaptan hinskokeca olotapi ciupi. nahanlicin tanyan yustanpi shi naceca tka tokeya iwoglakapi kin ekta Oglala wicalapi śni. Makoce iyotan waste ynhapi kin ogna canku lipayin kta yunkan dila oglakinyan tanka kta cinpi selececa.

Otokahe ekta mazacanku oyasin kinil canpagmi itancan kin ogna can ece aonpapi Itahena can ayustanpi yunkan maka calili heca ece aonpapi. Lecala ake iglutokeca yunkan hunh wanna wigli hecela aonpapi waste iyeyapi. Iyotan Texas na California makobašpe kin onšpašpa ekta can na makacalili nupin lila telika tka wigli wanji petrolium eciyapi kin heca ota yukan canke he iyutapi yunkan lila waste keyapi.

Buffalo otonwe ekta wapazopi tanka kin he wana tanyan inyanka. Lakota hel unpi kin minikuha tipi ogua maka spaya el tipi yunkan hunh wayazankapi nains tiyata kiksuyapi on iyokišicapi yunkan glicupi.

Navaho ewicakiyapi kin ataya koktopawinge wikcemna nonpa (20,000) henakecapi. Tawakanheja wayawa yapi kta iyececa kin inš koktopawinge yamni sanm iyeya esa tokani wayawapi shi. Oyate kitanla tankapi kin isnala owayawa tanyan wicakipi yahapi sni. Owayawa kin wakanheja opawinge nomlala heceglala kipiya glepi. Hececa lakas tawakanheja woonspe wasteste takuni slolye sni icagapi yunkan oyate tokata iwastepi kta tukte e tanin śni. Eya oyate wastepi, yunkan tamakoce kin tokel okihipi kin tanyan wowinlagyapi kta kuwapi chaes sanm onspe ayapi wanice. Hececa lakaš on owicakivapi kta ihanxeya waste kin he owayawa sanpa tanka na ota yuhewicakiyapi kin hee kta Board of Indian Commissioners iyukcanpi na Ikcewicaśa Tunkanśilayapi kin hecon kta icekiyapi. Arizona na New Mexico makobaspe kin henaos el makoce yahapi yunkan ekta tahcas.mkala lila ota icahwicayapi nu hin kin etanhan sina gleglega wasteste nape on kagapi na hetanhan wekamna yuhapi. Mazawikazonte on sina kagapi ouspepi kinhan mazaska sanpa lila ota kamna okihipi kta tanin kin on etanhan tawakanheja wicohan kin he onspewicakiyapi waste keyapi.

June 12th chanl Oglala oyate na ins eya i ceoyate yankan wa-

sican wicegna ounyanpi esa tanyan oiçihipi selececa. Tuweni owicakiye sui. - Wowasi econpi kin on niiçiyapi. Can ha na peji wastemna on taku wasteste kali waynpikapi. Wata ciscila owanyagwaste, na napostan opiye, na wiyusla ojuha, na hiipasku ogna iyeyapi, na wiciteowapi ogna gnakapi, na taku toktokeca ota wayupiya kagapi. Wasicun kin takn hececa lila opetonpi canke ohinni sanm wasteste na sanm olota kali ayapi.

Hahatonwan na Isanyati, Minnesota makobašpe ekta mpi kin iyecinkala taku oyuha wasteste wanjigji wiyopeyapi kta kagapi sa yunkan Miss Sybil Carter lila onspewicakiya na owicakiya on etanhan wanna minibuha zibzipela hahonta yuskis kitapi on kagapi heca lila owanyagwaste kah onspe ayapi yunkan hetanhan tanyan wakamnapi.

Lakota kin hunh taku wowinlag pica na wiyopeye pica waštešte kagapi kta okihipi. Taku hececa kinhan, tantanyan kagapi hantans, tanyan wiyopekiyapi okihipi. Toka lakas wicohan kin le sanpa ekta etonwanpi sni hwo? Hel wakamna wicakiciyanka tka taknśnikiyapi selececa kin he toka hwo?

Maka sitomniyan wicasa hiyeye cin hena oyasin hein owanjila wasuwicakiyapi kin, Ite temnipi kin on woyute glutapi kta he wanji ee. Nahan nakun St. Paul he kitanla togya oyaka na heya: "Tuwa wowasi econ kta wicalaśni kinhan, he wotin kte śni." He Wakantanka Iye lica e ca hecel wasuwicakiye con wana maka kin owancaya sanpa otanin aya. Tukteltu eyas wobiliheca, na wowasi econpi, na sanpa waonspeiçiciyapi, na is'cs' oya skinçiyapi kin wikicanye se yuha 'skanpi kinhan maka akanl sanpa wapiya ounye ayapi, nahan icanhan wicaśa tuweke ceyaś wikicanye kin hena kokipa na wowinlagyin kta tawațelye śni hantans he sanpa walipanica aya.

Waonsikiciiakapi kin he waste. Tka wicasa wanji skankapin kinhan, woyate na hayapi makoskan qupi kin he wowaonsila heca śni. On sanpa yuśicapi na takn okihisnikiyapi kta hee. Hececapi can, hecena akihaniciya unpi kta iyowinwicakiyapi kin he wowaonsila waste kin ee. Owekinahans tehislolyeiçiyapi on ipiiçiyapi kinhan lila hein tanenpila na locinpi kin he ehakaleš wicavubicin na ounve sica qon he etanhan niiçiyapi kta seca. Tuwa oiçiyin kta cin skan na el okiyapi kin he wowaonsila awicakehan kin ee.

### WICATE

Choteau Creek, S. D. Thomas que Carrie Bates taku-

wiconyanpi kin okodakiciye wakan ed tewiconhidapi kin, dehan maka wotelii wanji is akipapi conwintkupi Ellen Bates wicincana owanyag waste qa tehidapi heca March 17, 1899 tonpi, qa April 12, 1901, te.

Maggie Tatewayakewin May 23, 1901, chand to Thomas Manhpiyakdinape he tawich, Waniye-J. G. tu 55.

### BROTHERHOOD OF ST. ANDREW. May 25, 1901.

St. Andrew Sunkakiciyapi kin yuwitawa Anpao kin ed witaya womnaye wanji econgonpi e owasin sdonyayapi. Toka hwo! iyuha nistimapi hwo. Chapter iyuha wanna wowapi ciçupi qeyas amayaduptapi sni, heon ake Anpao kin de on nipaninipi kte do. Chapter No. 471 hetanhan amavnptapi, tka takuna ipida manyanpi sni. Chapter No. 1301 Yankton Agency etanhan ecena \$9.25 wanna manqupi. Hekta Convocation mniciyapi qonhan, nukis eya mniciye unskanpi, qa he ed woecon wanji unkiksnyapi kta wašte. Sept. 22, 6:30 Sunkakiciyapi yuwitaya wotapi wakan icupi, qa econhan Baptisma wakan woiciconze kin, qa Sımkakiciyapi kin on piya, wacinyan qa yatinsya unkiçiconzapi qon he. Baptisma kin ed "wica iyeced wapaha tawa chdateya okicize econ kta" unkekiciyapi, qa hetu ca on ako akta hein Sunkakiciyabi kin ed Christ tokiconze kiu ed wowasi econgonpi kta ca unkiçicenzani.

Kounškapi kin woiciconze nonpa kin ed toked skin unkiçiyapi hwo. Wan! qeya inajin po qa wokicize kin ekta e'onwan po ota ececa ed ewaoncinpi sni sece iś unkakiktonjapi sece. Winyan omniciye tawicohan kin kici iciwanyakani ca, wan woistece ke do. Ehanna okicize unkan akicita yusich awicaupi unkan koška ota tawațedyapi šni qa winyan ihduzapi qa canakanyankapi ohna naiçiptanptan wakagege yankapi cee keyapi. He ehan iyes winyan kin akicitapi kta e mnawicayapi unkuns ake iyeg ohitiyena skanpi kte tka. Dehan he iyececa se unqonpe do. "Christ Okodakiciye tawa maka akan okicize on kin" ed oonpapi kta e unkicupi, tka ota hehanyena otawațe l unyanpi śni, unkiipi on unkokihipi sni hecinhan wommaye kin he inapciçiya ked toked okihika econ qonpi waste tka. Itubein wipe kin owas unkicapi qa unqupi qeyas yaha winyan unkagapi qa inahma unyankapi ecan iyeqe winyan kin kakiyan maka opoya okicize econpi. Wan! hena wachi un iyapi kta e heced škanpi šni, ezonban tiyohuni shi nankape do. Inapa po ga wokicize kin ekta etonwanpo.

Tyopociyapi qeyas sikdapi sni po, ee inalmi po.

J. Goodteacher, A. M. A.